

Atu Shou Yehpukutsu

1. Nonguye inguno kutau lhouqo mllamoni.
2. Nonguye kiu kiu suatu julho lau pinamu itsaiqi tsumoni momu tipau mllamoni.
3. Alhoksa kimiji ghenguno ije peithamoni.
4. Sabat tsala i...
akimthe shi pe...

Akipimi kumla eno puxa-hexakeu kumla huno ayeghi hipau chilvea, sukusho eno kulakishi kuhavea. Timiqo ye Alhou zahkutsu ye qhiveno ayeghi lo yehzaqo papemaye sakeshea? Alhou no Pa zahkutsuqo pesu atuluphaqo shou yehpukupe qhitsukeye tiqheli kutomo shi ighivea, eno Baibel no pi akeuno ninguye tipau pape cheghimaye sakepu pi ani. Timiqono Alhou zahkutsu pekupumove keu lono shikupusa kutomo suighive acheni. Tighenguno timi ye Pa zahkutsuqo eno Pa yehzaqo kumtsu pekupu cheghimaye sakepu avehu akhoto shiani. Tishikeu lono ningu susholunani eno ningu lau kulakishi suighilunani. Alhou zahkutsu chighi papekeu lono akuxu lo amekuapu shilunanike ipikeu ghili noye asuchedo lakhi likhimu ngono tsaqi kumsujuama?



1 Kuchouno Alhou ye Pakutoshino ahzakutsu chighi yehtsu keshea?

“Pano ashepe yehpukutsukeu tu lapha kini pesu Muse tsu, Atulapha kini shou Alhou wu loti no yehpukutsu ... Atulapha tipaqo ye Alhou kumla ke, eno atulapha tipaqo shou Alhou no yehpukutsuke.” (Ipekulu 31:18; 32:16).

Khokichile: Iye. Kungugha Lhou no atulapha kini shou Pa wu loti no ahzakutsu chighi yehpukutsuke.



2 Alhou ye axine pesu kiuepi chenikea?

“Alhou zahkutsu hexavekeu pesu axine ipicheni.” (1 Johan 3:4).

Khokichile: Axine ipikeuye Alhou zahkutsu hexavekeu pesu axine ipicheni. Kughengu Alhou zahkutsuqo ye tokhoike (Leshlele 19:7) Ayehza no axine shivekepu kukumusuqo kumtsu shipuhavetsu cheni, eno ahzakutsu tipauye timi kuxu kupujulo pape eno mla chenikeuke (Yetsapiu 12:13). Lakhimu qhimo qhoi papekuthunikeu zahke.


Alhou ye kushiye ahzakutsu chighi pesu ningu tsukea?

"Ahzakutsu pape chekemiqo kumugha" (Aholetsa 29:18). "I zahkutsuqo papelo, tishiaye akuxu mpeqo kushua shitsunani, eno axukushu eno alokughuno olau sukuphatsunani." (Aholetsa 3:1, 2).

Khokichile:

A: Alokivi kuxu eno kupukuno kuxu laghi kiche piyesutsu. Alhou no ningu pulhosutsu puzu ningu pelo alokughunoshi eno alokivishi axukushu shi ningu ghakiqi shi xulupe, tinguno alau ningu mulo lono lunishikeu kukumugha kije pesu ningu tsu, kughengu ninguno Pa zahkutsuqo amulo kuchouno pape chenike ghenguno. Alhou zahkutsu no ningu pelo kuchou laghi lo wulupenike kichetsu acheni. Tipau laghi papekeu lono alokivi akiqheu ithulu cheni. Alhou zahkutsu papeno xukeu lono timiye axine launo putosuve cheni. Kughengu ayehza no hiye axineke ipikeu kighithi tsu cheni **(Rommi 3:20)**. "Ayehza vechewono kumokenapi aye niye axine ghili ithimoni cheke. Ayehza no, "noye alaminekevalo ipimokenapi aye niye alakimine ghili ithimoni cheke." **(Rommi 7:7)**.

B: Achipiu eno achipikumou pama dolo kiyequ akeu ningu piyetsunike ghenguno Alhou zahkutsu ye anguju lakhi toi pesu ningu tsuke **(Jems 1:23-25)**. Anguju lono ningu gi lo akixe akeu kiche piyesutsu chekeu toi, ahzakutsu no ningu kuxu lo mlakipimiyo kiche piyesutsu acheni. Alhou zahkutsu nguju lo jusulo eno okuxu lo axine shichekeu mokeu jukutojulo. Ninguno ayeghi lo lokughuno phuuve akeu ghili hu ahzakutsu chighi lono kichepiyesuve ani.



"Ampeu no ahzakutsu hipaqo kumtsu papelopi ahza ningu tsu ani, kughengu tishikeuno alhokuthu lo ningu kivipike." (Zahkiniu 6:24). "I sunhelutsulo, eno I xalutsulo, lno tamono o zahkutsuqo pape chenike, O zahkutsu gholumokemiyo ye Nono tipaqo kileqhive cheni." (Leshele 119:117, 118).

C: Kumsapu eno zaghikitikhi shiveno sakeu kiche piyesutsu acheni. ayikhagho no ayikusa tughashiqo launo ningu susholu chekeu toi, Alhou zahkutsu no kumsapu xine lono ningu susho lu cheni. Hipauno kichileu shichekeu launo, heqhibuqhikeu launo, ajulhokumlla launo, akupuka akimiki launo eno kutau xine kumla lhokusaqo lono ningu kuxu puhavenu sakeu kichetsuno ningu pelo tipaqo launo putosu chenipe, eno ningu pelo alokughunoshi eno alokivishi xu achenipe. Akivi zahkutsuqo huno alhokusa kumlaqo launo ningu pelo sushokulu ithulupenike kichetsu acheni. Tighenguno Alhou zahkutsuye papemono qhivemlake.

"Ttsutsala ninguno Pa zahkutsuqo papelo aye ningu ye Pa ithi anike ipi ninguno ithi." (1 Johan 2:3).

D: Hipauno ningu ye Alhou ithi anike ipi kuphutsu cheni.

Akhotokiyeh lakhi: Alhou no ningu lhosu kelono Pa zahkutsu lhokta achenikeu hu pesu timi lhoayeh lo yehpuku puatsu ani, akiyeh tipauye zamemei eno nuphovekeu toi, ikemu hauvemono tishi acheni. Timi pelo Pa yehza sasu kuqhakulu eno kithikulu lono xuchepenikeu shi lhosu puani. Tipau jupichevekeu visavili ye iqunhei ngomlave cheni, sushokulu yehza papemovekeu lono mughamove cheni, eno ashi aghungu kuxu kinikujlo puhavekeu shive cheni.

4

Alhou zahkutsu ye ningu luthu lakhi ghenguno kishi akhoto shivekea?

“Atsa toi akumla ghi shilo, kughengu ililaikeu yehza pesu ningu shou kughathabenanike.” (Jems 2:12).

Khokichile: Ahzakutsu chighi lo tsupuakeu yehzaqo kigi lono Alhou no kungugha lo atsakugha kelono timi ghili mighiju momu phujunani.

5

Alhou zahkutsu chighi ye khilemu kilivemlanani momu lakhaqhoive mlanani keshea?

“Ahzakutsu lo chokusu momu hekutha lakhi xavenikeuye kungugha eno ayeghi puhavekeuno akumlau shinani” (Luk 16:17). “Niye khilemu l w puloshoqhi hephovemonani momu l kichi lono piqhivekeu khilemu kilivemonani.” (Leshele 89:34). “Pa zahkutsuqo ye kuchouke, tipau ye alhokuthu eno alhokuthu lo tishi puthugho achenani.” (Leshele 111:7, 8).

Khokichile: Moe. Baibel no mutsumishei Alhou zahkutsu ye kilimlae ipi ani. Ahzakutsu chighi lono Alhou w akimithe ghushoghili pephe piyesutsu ani, eno tipauno Pa kukaqha boqha shipuani. Alhou ake kutolo Pa zahkutsu ghi tishi achenani.

Alhou eno Pa zahkutsu ghili kichetsu akeu (chart) lono Pa eno Pa zahkutsu ahiphishi akeu ithuluvea. Alhou zahkutsu chighi lono Alhou ghushoghili chighi akeu kichephe piyesutsu ani. Kungugha lono Pa sunheqhive puzu iku Pa kukalaku lo ngoluveno Pa zakutsuqo kilivetsunikeu nguno alau ye Pa zahkutsuqo ye khiunomu khilemu kilimla. Jisu ye Alhou kemu Pano timi lhoayeh pepuluve kethiu ghi Pa ye Apuh zahkutsu papeno xuche. Alhou ghushoghili no kiutoi kilikumlapu keno titoi Pa zahkutsuqo ghi kilimlake.

| | Alhou ye | Pa zahkutsu ye |
|--------------|----------------------|----------------------------|
| Alo | akivi (Luk 18:19) | akivi (1 Timothy 1:8) |
| Akimithe | (Isaya 5:16) | (Rommi 7:12) |
| Tokhoi | (Mathi 5:48) | (Leshele 19:7) |
| Tsughukhui | (1 Johan 3:2, 3) | (Leshele 19:8) |
| Achipi | (Zahkiniu 32:4) | (Rommi 7:12) |
| Kuchou | (Johan 3:33) | (Leshele 19:9) |
| Aghungu ke | (1 Korinthiami 10:4) | (Rommi 7:14) |
| Amikucho | (Jeremiya 23:6) | (Leshele 119:172) |
| Pulubekulupu | (1 Korinthiami 1:9) | (Leshele 119:86) |
| Kimiyekiniu | (1 Johan 4:8) | (Rommi 13:10) |
| Kilikumlapu | (Jems 1:17) | (Mathi 5:18) |
| lhokta Lhou | (Bothubo 21:33) | lo sala (Leshele 111:7, 8) |

Jisu no ningu mulo lo ilo ngoluve kithishi Pa zahkutsu papelukeye likhi kumono ningu muloqi shi xuchenani!



6

Jisu no ayeghi hile achekelo Pa ye Alhou zahkutsu kiu ikhivetsu kea?

“Niye ahzakutsu shipuhavetsunike ighikepi kumsukevilo ... Niye tipaqo shipuhavetsunike ghenguno kumo, ikemu tipaqo shikuputsunike ghenguno ighike ... Kungugha eno ayeghi haumoke kutolo azahkutsu lo chokusu momu hekutha lakhimu shikupumoke loye kiu ghola lonomu kuhavekeu shimonani.” (Mathi 5:17, 18).

Khokichile: Moe! Jisu no mutsumishei pi akeuno, Paye ahzakutsuqo shipuhavetsunike ighike kumo puzu tipaqo shikuputsu eno shikuloghi tsunike ghenguno ighike. (Isaya 42:21) Ahzakutsu no timi pelo akimitheshi xuchepenikeu kichetsu. Ahzakutsu lono, “Noye ghiqhi kevilu” ipi akeu tsa Jisu no shikuloghitsu akeuno, noye ghiqhikeu kumo puzu aqiqi kiumu kuhamu kutami shou amulo ide kevi (Mathi 5:21, 22). Eno “mithi kevilu” (1 Johan 3:15). Juminevekeu ye salhavekeu thoke (Mathi 5:27, 28) ipi. Pano highi pikeuno, Ikemu “tsutsala nono I kimiye aghiaye I zahkutsuqo papelo” (Johan 14:15) ipi.

Alhou no Pa zahkutsu tucho chekeu Cross lono piyesu ani

7

Timi no ithipulaghi Pa zahkutsuqo hephovepimu pa xalunani keshea?

**“Axine shivekeu jume ye akithi” (Rommi 6:23).
“Axinemi ye Pano shipuhave nani” (Isaya 13:9). “Nono ahzakutsu qhoi pape chenike ipi aghiepinamu lakhi lo pimive aye kumtsu lo pimivae” (Jems 2:10).**

Khokichile: Ahzakutsu chighi lono ningu pelo akimitheshi xuche penikeu kichetsu ani. Ikemu hipau lo, ninguno lakhi likhimu hexave eno pimive aye ayikichhe kighi (chain) lo lakhi suthave aye akiniu tipau sunhesawo kime mlave chekeu toive nani. Baibel no ningu vilo pi akeuno, ninguno ithipulaghi Alhou zahkutsu hexave aye ningu ye axine shivea ipi ani (**Jems 4:17**). Alhou pulou shichekemi likhino Pa yehkipe kukaqha lo ilolunani. Axinemi lakhino pa mulo kuchouno pa kuxu pekilisu ighieno Jisu kuka ikhiluve aye Alhou no timi tipano xine kipimi qhivetsu nani.



8

Ayehza papekeu lono timi xalunanikeshea?

“Ayehza kiqi lono mlanikeloye ashi lakhimu Pa gizu lo achipi shi aghimonani” (Rommi 3:20). “Ikemu nongu ye akupulu vechewono kimiyeku lono nongu xaluveake, eno tiye nongu kutoshino shiluke kumo, ikemu tiye Alhou ghokutsu lakhike thono akumla lono kumoke, qhezalunosa” (Efesiami 2:8, 9).

Khokichile: Kumoe. Khokichile hipau lo mlalei vethapimive kulupu ani. Ayehza papekeu likhi ye khiumu xalumonani. Xachilekulu ye kimiyeku lono ighike. Jisu Khristo no kumsano agho tsukeu lakhike. Aghokutsu hipau ye ninguno akupulu lono ikhilumayesa nani. Aghokutsu hipau ye ningu kumla kivi ghenguno kumo. Ningu no anguju lo jusukelo ningu gilo akixe akeu ithulu chekeu toi ayehza no ningu xineqo kichephetsu ani, anguju ye ningu gi lo akixe akeu kichetsu anikemu iku ningu gi lo akixe isuvetsumla. Titoi, ayehza ye ningu xine kichetsunikeu kethono ningu xine ye isuvetsumla. Tiye Jisu Khristo vechewo likhino ningu xine lhokusaqo shikimithetsu eno shipivitsu kulupu kuka ani.



9

Tishi aye kishieno ayezha ye Khristomiqo ghilisuqe vikithelunikeu lo avehu shivekea?

**“Alhou sumsa eno Pa zahkutsuqo papelo, kughengu tishinikeuno timi kuxu kupujulo kumlapuke” (Yetsapiu 12:13).
“Ayezha no axine kighithi tsucheni” (Rommi 3:20).**


Khokichile: Khristomi lakhi ye pa kuxu tivilo Alhou zahkutsuqo pape chenikeuke. Itimi lakhi apunu mpe 6 shi akeuno palikhi pa ghenguno ayezha mlakeu toi, pano pa za vilo paye fit 12 thuuvae ipikeu toi, ni kutoshi ni ghenguno ayezha mlakeuye achipi shimlake. Ninguno Alhou zahkutsu lo jupukujumo keloye ningu ye axinemi keo mokeno ithimonani. Alhou zahkutsu ye tokhoike. Kutomono timi ye Alhou zahkutsuqo papemo pinamu akumla kivi shiaye xakulu ye ni wu ke ipi acheni **(Mathi 7:21-23)** Panongu ye axinemiamu panongu ye xalunani ipi kumsu eno pi acheni. **“Tsutsala ninguno Pa zahkutsuqo pape aye ninguye Pa ithi anike.” (1 Johan 2:3).**



10

Kuchouno amulo pebideve kemiye kishieno Alhou zahkutsuqo papenikea?

“Ino I zahkutsuqo pesu panongu lolo qhitsuini, eno pesu panongu mulo lo yehpukuvetsuni” (Ibrimi 8:10). “Niye Khristo vechewono thokha kumtsu shilunani” (Filipiami 4:13). “Alhou no Pa Nu puutsu ... tiye amikuchomino ahzakutsuqo papemayesakapu avehu shi akeu ningu launo shikupulu penike ghengunoke” (Rommi 8:3, 4).



Khokichile: Khristo ye axinemi amulo pebidevekemi kipimi qhivetsukeu likhi kumo, ikemu Alhou julho luchilepe panongu lau sutsuke. Pa nhekithe kuka panongu lau akeu vechewono panongu pelo Alhou zahkutsuqo papelupeku shitsuke. Pano Pa papemiqo lau suchouno piqhi puakeuno, **“Noye pukakevilo, miki kevilo, ghiqhi kevilo ... eno alamine kevilo ipi puani. Khristo no ilo ningu lolo xu ani, eno ningu kuxu ghasupe xu ani. Alhou ye khilemu Pa zahkutsu aqho lo supuchekeu hu kilivemonani. Jisu no axinemi lakhi kuxu pekilivetsukeu lono paye ahzakutsu papeku lo ikughilunani.**

11

Khristomi lakhi akupulu lono kikimiye qholo akemi ye ahzakutsuqo launo ililai mlanani keshea?

“Alhou zahkutsuqo hexavekeu pesu axine ipicheni” (1 Johan 3:4). Ningu ye ayeenza qholo kumovea puzu kikimiye qholo shiveake ghenguno Alhou zahkutsuqo hexaveghi axine shi anikeshea? Khilemu tishimoe (Rommi 6:14, 15). Tishi aye nunguno akupulu lono Alhou zahkutsu pesu abo kumsa momu adou shivetsulu nanikeshea? Khilemu tishimoe. Tishikepu zuqhulo ninguno Alhou zahkutsu shikumto tsunie (Rommi 3:31).

Khokichile: Moe ipi kuchoyehsu no veji pitsu ani. Kikimiye ye aghakhu lakhi lo angh (governor) lakhino akughumi kipimi qhivetsukeu toike. Pa kipimi qhivetsuake ghenguno pa pelo itaghi ahzakutsu kutau ililai hexaLukepu zah tsumonani. Akipimi qhivetsukeu timi hu ye kikimiye qholo ani, kuchouno pinikeuye pa kipimi qhivetsuake ghenguno paye shikimithi tsughi Alhou zahkutsu ghokululo xuchemayesa. Timi lakhino paye kikimiye qholo anike ipi puzu mulomono Alhou zahkutsuqo hexave ghi axine shi xu ani ipikeu ye tiye achipi keshea? Tiye pimisha anike kumokeshea?



12

Alhou zahkutsu chighi ye puloshoqhi akitheu loghi tsupuni keshea?

Khokichile: Iye. Mutsumishei tsupuni. Hi aqhou akihedo eno atsajo tsupuaqeqo lo tsaqui phijulo

1. “Noye Ampeu o Lhou mlla lo, eno Pa likhi qelo (huthulo)” (Mathi 4:10).
2. “Anuliqo, nongu kutoshi ajulho kumlla launo putosu chelo” (1 Johan 5:21). “Ningu ye Alhou launo ikoighikemike ghenguno Alhou lhoayeh ye ghuka shuna julho toi momu asuatu julho toike ipi khilemu kumsu kevalo, tipaqoye timino kumsuphe eno iqipehe qhikeuke.” (Apostolomi 17:29).
3. “Alhou jeh eno Pa kukutsuqo khilemu piputha kevalo” (1 Timothi 6:1).
4. “Pano a-a hami lo akutsuni ghili hitoi pipuani: eno Alhou no akutsuni Pa kumlaqo launo akulhoqhi, tighenguno tile Alhou timiqo ghenguno akulhoqhi tsala lakhi ani! Kughengu khiuno akulho kiqhi lo iloghiveakeno pakutoshi pa kumla tavemayesa, Alhou no Pa kumlaqo taveketoi.” (Ibrimi 4:4, 9, 10).

5. “O puh oza gihulo” (Mathi 19:19).
6. “Noye ghiqhi kevalo” (Rommi 13:9).
7. “Noye salha kevalo” (Mathi 19:18).
8. Noye puka kevalo” (Rommi 13:9).
9. “Noye kichileu shepe shikevalo” (Rommi 13:9).
10. Noye alamine kevalo” (Rommi 7:7).

**PULOSHOQHI
AKITHEU
LO ALHOU
ZAHKUTSUQO**



Puloshoghi Aqau lo Alhou zahkutsuqo

1. “Noye l gizulo aghau kutauqo qhikevilo” (Ipekulu 20:3).
2. “Noye kiu julhomo shisupe momu kuxusupe qhikevilo.- kunguu kungugha lo thimeqo kimihi, momu aqhou ayeghi lo akeu, momu ayeghi qhou azu lo akeu kimihi kiumu shipe qhieno itsaiqi tipaqo mlla kevilo, kughengu Ni Ampeu o Lhou ye anhekushu Lhou ke, Apuh lono iqi anunu tiqheli kuthu bidi kutolo l mithi chekemiqo xine xujuchenani. Ikemu l kimiye eno l zahkutsuqo pape chekemiqo lauye ampe qhethonheqo lo l kikimiye panongu Piyekusuchenani” (Ipekulu 20:4-6).
3. “Noye adou lono Ampeu o Lhou jeh pesu pikevilo, kughengu Alhou ye adou lono Pa jeh peitha chekemi lau akipimi tsumokeuye shimonani” (Ipekulu 20:7).
4. “Sabbath akimitheshi pinyi nikeu kumsulu chelo, atsala tsugho ye akumla shilo, eno o kumlaqo kumtsu shilulo, ikemu akutsunini ye Ampeu o Lhou wu Sabbath tsalake. Hipani noye kiu kumlamu shikevilo. No, onu eno onga, oqepumi eno oqelimi, momu opighi atsuauq, momu shoinami okibochoho akemi khuiu pelonomu akumla shiupe kevilo, kughengu Ampeu no atsala tsugho lono kungughaqo eno ayeghi, eno azughi, eno tipaulo akeqo kumtsu mlake, eno akutsunini ye akulho qhike. Eno Ampeu no Sabbath tsala kumughatsu, eno tipau shikimithetsu ke.” (Ipekulu 20:8-11).
5. “O puh, oza gihulo, tishiaye noye Ampeu o Lhou no ayeghi otsukeulo atsalaqo kushua xunani” (Ipekulu 20:12).
6. “Noye ghiqhi kevilo” (Ipekulu 20:13).
7. “Noye salha kevilo” (Ipekulu 20:14).
8. “Noye puka kevilo” (Ipekulu 20:15).
9. “Noye okisughumi shou kichileu shepe shikevilo” (Ipekulu 20:16)
10. “Noye okisughumi ki ju alamine kevi, okisughumi nipu ju mine kevi, momu pa qepumi eno pa qelimi ju mine kevi, momu pa mishitsu, pa wu gadaha, momu pa wu thime kiumu ju mine kevilo.” (Ipekulu 20:17).



13 Alhou zahkutsu ngo Muse yehza pama ye aphihi keshea?

Khokichile: Moe, Tipaqoye aphihi kumoe. Hi aqhou kiyequ akeu ghili phijulo. Muse yehza ye ado hami ghengu likhike. Puloshohqi aqau lo achine kumlaqo lo peithanikeu yehzaqo ke. Achinemiqono

aghakishi kumlla gho pesu ighikelo ghiqhi mllanikeu kichekipiye kukhuayehqo ke. Chine-chini kukhuaye, achuqupu eno akushopu pesu akumlla gho tsunikeu kukhuyeh, eno kutau kukhuayehqo ke. Hipaqo kumtsu, eno akhotoshi axine shivekeu ghenguno aghakishi kumlla gho pesu ghiqhieno ahji pesu axine kipimi khunikeu kukhuayeh kichetsukeke, eno tiye Jisu Khristo pesu axinemiqo zuqhushi cross lo yedavekeu lono shiphavetsu ake. Ayezha hipauye apiti momu axuthu ipeghimoke kutolo peithache, ikemu kughou axuthi ipeghivekeno tipau mtsa lono ayezha hipau kuhave.

“Axuthi tipauye Jusu Khristo ke.” **(Galatiami 3:16, 19)**. Pano cross lono aghashivetsunikeu ghili kichepuwo puatsukeu hu shikupuve. Tipau mtsa lono aghakishi kumlla gho tsuchekeu yehza ghi kuhave. Muse yehza lo chinechini yeh, eno ghiqhi mllanikeu kukhuayehqo kumtsu, pivekeu toi, Khristo no axinemi ghenguno aghashivetsunikeu ghili kichepuwotsukeu ke. Pano cross lono thivekeu lono akukhuayeh hipaqo kumtsu shikupuvea, Pano xuchileluveke thiuye akukhuayeh hipaqo peithamove. Ikemu Alhou zahkutsu khikhi ayezha chighiqo ye alho lo tishi puthugho achenani **(Leshele 111:8) Danel 9:10, 11** lono Alhou zahkutsu eno Muse yehza kuma dolo kututashi akeu ithulu ani.

Hi ithilo: Ayezha akeu ghenguno axine ighike, kughengu Baibel no piakeuno, “khile ayezha kuhakeno tilehi ayezha hexakeu, axine shikeu ghi kuhake” **(Rommi 4:15)**. Titoi Alhou yehza ye abothu lono ache, eno “timi no ayezha tipau hexave eno axine shive.” **(1 Johan 3:4)**. Timino Alhou yehza hexaveno axine shiveke ghenguno Muse yehza sukuphatsuke **(Galatiami 3:16, 19)**. Khristo no cross lono thimphi kutolo ayezha hikuma ye tishi aghike, ikemu Alhou yehza ngo Muse yehza pama ye axiala kututakouchouke.

Muse Yezah

Alhou Yezah

| | |
|---|---|
| "Muse Yezah" ipi kuchen <i>(Luk 2:22)</i> | "Alhou Yezah" ipi kuchen <i>(Isaya 5:24)</i> |
| Ayezha shikithavetsu keu <i>(Efesiami 2:15)</i> | "Kukami Yezah" ipi kuchen <i>(Jems 2:8)</i> |
| Muse Yezah kaku lo yehpukupe qhikeu <i>(2 Yekikithi 35:12)</i> | Alhou zahkutsu Atulapha shou yehpukupe qhitsu keu <i>(Ipekulu 31:18, 32:16)</i> |
| Puloshohqi Bohu phivilo qhivetsu <i>(Zahkinu 31:26)</i> | Puloshohqi Bohu lo suve <i>(Ipekulu 40:20)</i> |
| Kros lono shiphavetsu <i>(Efesiami 2:16)</i> | Alho lo achenani <i>(Luk 16:17)</i> |
| Axine shivekeu ghenguno sukuphatsu <i>(Galatiami 3:19)</i> | Axine kiche piyavetsu chenike <i>(Rommi 7:7, 3:20)</i> |
| Ningu launo bidelau shivea, ningu ghochilekeu shivea. <i>(Kolosiame 2:14)</i> | Puqhekumlapu ye kumoke <i>(1 John 5:3)</i> |
| Timi khiu shoumu kughathabenikeu kumo <i>(Kolosiame 2:14-16)</i> | Timi kumtsu shou kughathabenani <i>(Jems 2:10-12)</i> |
| Ashi lo kumlake <i>(Ibrimi 7:16)</i> | Aghungu lo kumlake <i>(Rommi 7:14)</i> |
| Kiumu kupukulai shitsupe puamoe <i>(Ibrimi 7:19)</i> | Kupukulayike <i>(Leshe 19:7)</i> |

14

Timi no Alhou yehza pape wuvekelo Satan ye kiu kishi kumsu chenikea?

“Dragon, khiu vilo Devil eno Satan ipichekeu huno totimi (kuchou kukuhou) shou aghaideve eno li po lo kughuko achili shi akego, khiunoqo Alhou yehza pape chekemiqo sasū aghushinike wuwe.” (Piyekusu 12:17). “Hile akimithemi (puluthomiqo) kutuukulu ani, hile Alhou yehza pape chekemiqo ani.” (Piyekusu 14:12).

Khokichile: Tughami (devil) no Alhou yehza pape chekemiqo mithi acheni kughengu Alhou yehza no timi pelo achipilo xuchepenikeu ghili kiche piyetsutsu achenike ghenguno. Tighenguno paye Alhou timiqo lau kukhukimiji shi ghochile eno shikighime acheni. Pano hitoi Alhou yehza akimithe shou mla acheni. Pano Achine lo sakiphemiqo xukutho puzu timiqo pelo Alhou yehza ye qodanedavepe eno timi yehza ikhipukutsuno tipau giho eno pape achenipe. Jisu no pi, “Nonguno pe ighikeu yehza papenike ghenguno Alhou yehza ye hexavetsu anikeshea? ... Nonguno timi yehza pesu kutsupiye ghi I mlla akeu ye adouke.”

(**Mathi 15:3, 9**). David no ishi pi, “O Ampeu, Itehiye Nono mlanikeu do ighivae, kughengu panonguno O yehzaqo pesu abo kumsa shivetsu eno adou shivetsu anike.” (**Leshele 119:126**). Khristomiqoye ithughieno Alhou yehza pesu pano mulo lo qhilueno pano kuxu achipiulo xukepushi ani.



15

Khristomiqo ye Alhou zahkutsu chighi papekepu avehushi aphike ipi noye pulu anima?

Nono khochilenikeu:



Nono Iniju Keu Khochiletsu Ani

1. Ayehza lo pimikeu ani ipi Baibel no pi anike kumokeshea?

Khokichile: Kumoe. Timi no pimi ani ipi Baibel no pi anie. Alhou no panongu lau “akipimi akeu phulu anie” (**Ibrimi 8:8**). Eno **Rommi 8:3** lo Baibel no pi akeuno, “Ashi vechewono ayehza hu miqeveke” hiye alhokuthu lo hitoi kugha acheni, ayehza ye tokhoi, ikemu timi no miqemileike ghenguno pimive acheni. Tighenguno Alhou no Pa Nu puutsuno wo timiqo ghola xujupe” tiye ayehza mikucho hu ningu lau shikuputsu peniyeke” (**Rommi 8:4**). Tiye Khristo no ilo ni lolo xukeu lono shikuputsulu nani.

2. Galatiami 3:13 lo, nongu ye ayehza no ghushovekeu launo qhuchileluke ipikeu kiquye kiu kea?

Khokichile: “Ayehza no ghushovekeu ye akithi” ke (**Rommi 6:23**). “Ningu luthu lakhi ghenguno Khristo no akithi michevetsuake” (**Ibrimi 2:9**) Tishikeu lono ayehza no ghushovekeu (akithi) launo ningu qhuchileluvea, eno tipau a lo lhokta kuxu pesu ningu tsuveake.

3. Kolosiami 2:14-17 eno Efesiami 2:15 lono pi akeuno Alhou yehza ye pesu cross lo yedaveake ipi anike kumo keshea?

Khokichile: Moe. Akiyeh hikuma lo ayehza ipi tsupuakeuye ayeghi lo chinehki lo peithanikeu kukhuayeh momu tipau pesu Muse yehza ipi anike. Achinemiqo no Achineki lo pano xine ghenguno aghakishi kumlla gho pichepighi linoxu ghihipesu mlla chekeu yehza pi anike. Akukhuayeh hipaqo kumtsu Khristo no cross lono timiqo xine ghenguno aghashivetsu nanike ipi kichepuwotsukeu yekukhu lakhi shitsu cheke. Timi no axine shiveke ghenguno Muse yehza pesu sukuphatsuke. Apiti, momu axuthi Khristo ighimphi kutolo aghakishi kumlla hipau shicheghehi penikeu kiche piyetsusuke, apiti momu axuthi tipau ye Khristo ke (**Galatiami 3:16, 19**) Hi aghakishi kumlla yehza ghola ahzakutsu chighi ye tile ilomla momu peitha mla. Cross thiu, ampe kutomo shiveke thiu, akhlopeu Paul no ahzakutsu chighi pesu “akimithe, achipi, eno akivike” ipi (**Rommi 7:7, 12**).

4. Baibel no pikeuno, “kimiyekeu no ayehza shikuputsu anike” ipi (**Rommi 13:10**). **Mathi 22:37-40** lono ningu lau ahzatsu akeuno, “Alhou kimiye” eno “okisughumi olikhi otoi kimiye lo” ipi ani, eno atsa hipaqo kikishekha lo Khristo no pi akeuno, “Ahzakutsu hikuma shou ayehzaqo eno tungkuputsaqo kumtsu pufuqhi puani” ipi. Ike tishiye ti ghiqhimlla keu yehza hu pesu ahzakutsu chighi a lo qhipuzu shiphuave ake ipilunani keshea?

Khokichile: Moe. Ningu wu lo aloti chighi akeuye pesu kututa shivemlakeu toi, ahzakutsu chighi ye khilemu pesu kututa shivemla. Ahzakutsu chighi lo atughiu bidi no, timi no Alhou lau mlanikeu. Pa gholu, Pa zahkutsuqo pape, Pa qhoqhu gihu eno Pa mllanikeu. Ahzakutsu akiniu tsugho no, timi lakhino lakhi lau mlanikeu. Kupukile, kimiyeke, kuphukile, eno tuchomujo kilenikeu. Tishikeu lono lakhino lakhi lopivitsu, lokughunotsunikeuke. Hitoi shikeu lono timi lakhi ye azukuvushi Alhou zahkutsu chighiqo kumtsu papelu anike (**Leshele 40:8**) Jisu no pi, “Tsutsala nonguno l kimiye aghiye l zahkutsuqo papelo” (**Johan 14:15**) ipi. Pa zahkutsu ye papemono Pa kimiye ipikeu ye shimla. “Ninguno Pa zahkutsuqo pape aye ningu ye Pa kimiye anike, eno Pa zahkutsuqo ye puqhekumlapu ye kumoke” (**1 Johan 5:3**) ipi ani. “Khiuno niye Pa kimiye anike ipi puzu Pa zahkutsu ye papemonikeno paye kimkimi lakhi, eno pa lau kuchou kuhae” (**1 Johan 2:4**).



5. 2 Korinthiami 3:7 lo ahzakutsu chighi khikhi atulapha shou yehpukutsukeu ye shipuhavae ipi kutsu chenike kumoke shea?

Khokichile: Kumoe. Muse no ayezha mlachekeu jukuvu hu kishekhaweake ipikeu tsa kethono ahzakutsu chighi ghili pikeu kumoke. **2 Korinthiami 3:3-9** kutolo tsaqui phijulo) Hipau lo ahzakutsu chighi shipuhavea momu peithamoveake ipikeu kumoke. Ahzakutsu chighi a-a sukiquevekeu tsake. Ahzakutsu chighi atulapha lo yehpuku puakeu hu sukiquepesu timi mulo lo yehpukuve tsukeu tsa pi anike. Muse ghuloki lo ahzakutsu tipauye atulapha shou yehpuku puache, ikemu itehiye Khristo vechewono Akimithe Ghungu no ahzakutsu tipau pesu wo timi mulo lo yehpukuve tsuake (**Ibrimi 8:10**) Akiphi ki lakhi lo ayezhaqo yehpithi tsukeu lupa (board) lo yehpukutsukeu hu kiphimiqono phijuno pesu pano mulokite lo eno pa qho lo supuluvekeu thoke. Khristomiqono Alhou kimiyenikeu zahkutsu eno akusami kimiyeni keu zahkutsuqo hu pesu pano mulokite lo supuluveno pano kuxu lo peitha chekeu kiqike.

6. Rommi 10:4 lo, "Khristo no ayezha kishekhavea" pi anike tiye kuchouno kishekhaweake kumokeshea?

Khokichile: **Jems 5:11** lo pi akeu toi, asajao hipau lo kishekha "end" ipi akeuye akimiji (purpose momu object) pi anike. Hile akiqi mutsumishei akeuye, timiqo sasu Khristo lau ighi- eno panonguno Pa launo amikuchu phulu- ipikeuno ayezha kimiji (goal, purpose eno end ke)

7. Alhou yehza no tsughape aphi ipikeu tsa lo, kiushiye timiqo ye tipau kughuchove eno thave achenikea?

Khokichile: "Ashi mulo xapu chekeuye Alhou ghumi, eno tipau ye Alhou yehza qholo iloghimla nani, kuchouno khilemu iloghimlanani. Kughengu ashi lo kuxumi ye Alhou mulo kiqui shimlanani, ikemu nongu ye ashilo kuxumi kumovea, tsutsala kuchouno Alhou Ghungu nongu gholo aghiaye nongu ye aghungu lo kuxumi shiveake. Ikemu tsutsala Khristo Ghungu nongu gholo aghimove aye nongu ye Pa wu kumove ake." (**Rommi 8:7-9**).

8. Puloshoqhi aqau lo amikuchomiqo ye ayezha papekeu lono xaLushea?

Khokichile: "Ayezha papekeu lono timi khiumu xalu puamphi. Tiqheli kumtsu lo xaluvekemiqo ye kikimiye lono xaluke. Kikimiye hipau ye ... ado huthumphi zuuno Khristo Jisu no agho ningu tsupuakeuke" (**2 Timothi 1:9**). Ayezha no ningu xine kichephetsu cheni, ikemu ningu xalunikeu ye Khristo ke. Noah no kikimiye ithulu (**Bothubo 6:8**) Muse no kikimiye ithulu (**Ipekulu 33:7**) Aghasagha lo Israelmiqo no kikimiye ithulu (**Jeremiya 31:2**) Abel, Enoch, Abraham, Isaac, Jacob, Joseph, eno kutami kutomono puloshoqhi aqau lo ghilisuqhe pepuchekemi akupulu lono panongu xalu. **Ibrimi yehsu akihedo 11** kiqui lo, panonguno pishipuwu cross jukeu lono xalu. Ishi ninguno idewo cross jukeu lono xalunani. Ningu ye ayezha avehu shi ani, tipauno anguju ayina lakhi toi ningu kuxu lo kumla lhokusaqo Piyekusutsu ani. Alhou yehza sumokeloye timiqo ye axine ghili kiumu ithimonani eno kiumu alokumusu kuhano tishi puhavenani. Tishi aghiepinamu ayezha ye xakulupu kuka kuha. Tipau ye ningu xinego kiche piyesutsu niku likhike. Alhou Nu Jisu likhino ningu xaphelukulupu kuka ani. Hiye puloshoqhi aqau gulokiuno tishi kuchou shi ighiveake (**Apostolmi 4:10, 12; 2 Timothi 1:9**)


9. Kiushiye ayezha ghenguno mulo achenikea? ni kukumusu no laPiyekusu lakhike kumokeshea?

Khokichile: Moe. Baibel no akukumusu lo alhokusa akeu ghili pi ani. Timi kukumusu lo shikuchubevekeu ani eno mithemokeu ani. "Alaghi khipau achipi kepi nono kumusu ani keno tiye akithipulo sailove kepu shiaghiluvike." (**Ahole 14:12**). Alhou no pi, "Pano likhi pano mulo kukumusu shou pulube chekemiyeni Kughuzumi lakhike". (**Ahole 28:26**).

Hilehi okumusu eno injuakeu pitsuluo



01



02



03



04



05



06



07



08



09



10



11



12



13



14

Akiphi hipau ghi akiphi kichekutsu 14 gholo kakhi ke.

Akiphi kumtsu lo akumzapu kuchouqo, khipaano o kuxu eno no kibolomiqo kuxu pekilivetsu kulupu ani eno tipauno nongu sasu lhokta lajupu lo ighikulupu ani. Akiphiqo gholo lakhimu vezuvekeu shikevilo.

Akiphi kichekutsu 01: Tile nono pulube Lukepu kiuana qhiveakeshea?

Akiphi kichekutsu 02: Alhou ye Tughami Ihosukeshea?

Akiphi kichekutsu 03: Akithi laono xapheluve

Akiphi kichekutsu 04: Tsutsu yeghiqha dolo Aphughi kije

Akiphi kichekutsu 05: Alokivi kulakupu tsapi

Akiphi kichekutsu 06: Atulaphaqo shou yehpukutsu

Akiphi kichekutsu 07: Xu-lhe lo atsala lakhi puhavekeu

Akiphi kichekutsu 08: Qhoi xapheluve -Jisu Khristo ideighini keu

Akiphi kichekutsu 09: Akutsughu eno Akuka

Akiphi kichekutsu 10: Kithimi ye kuchouno thiveakeshea?

Akiphi kichekutsu 11: Amiyizu ye Tughami pichepuani keshea?

Akiphi kichekutsu 12: Alokughuno mpe 1,000

Akiphi kichekutsu 13: Alhou no ashiahji kivi kupughu shitsu

Akiphi kichekutsu 14: Aghokulu ye ayezza lakhi shivekeshea?

Kughou no no atughiu Akiphi Kichekutsu-u 14 pihigive nikeno itaghi niu mlakiphe akiyeh lono khulo:

Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mphu zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

Form tipau pichivenikeu ghenguno kimiye pu “[Adobe Reader](#)” peithalo.

1) Ahzakutsu chighi ye (1)

Alhou no yehke
Muse no yehke
Mthakemi lakhino yehke

2) Baibel kiqi lo axine ye (1)

Luthu lakhi kutokumo momu mikhemuzukeu ke
Alhou yehza hexavekeu ke
Kiu kiumu achipi kumovekeu ke

3) Alhou yeza kuchou ghili pikeu phujulo (4)

Alokivishi xuniku laghi tokhoi kichetsu keuke
Ayina lakhi toi ningu xine kichetsu cheni
Hipauye puqhekumlapu eno ghimeqhikeu ke
Hipau no axine launo l susholucheni
Hipau ye Alhou ghushoghili pephe
piyetsusukeu ke
Hipauye puloshoqhi akitheu lo ye xavea
Hipauye ghushovekeu lakhi shivea

4) Alhou zahkutsu chighi ye (1)

Puloshoqhi aqau ghuloki lo ghengu likhike
Jisu no cross lono xavetsu ake
Kilivekumlapu ke

5) Kughathabekeu tsala lo tsatsala l no (1)

Akighicheshi mla aye xalunani
Ampeu kimiye, eno Pa yehza chighi gholu aye
xalunani
Kikimiye lono Pa sasu kuposhu eno Pa
zakutsuqo pape aye xalunani

6) Timiqo ye (1)

Ayehza papekeu lono xalunani
Ayehza hexavemu xalunani
Jisu Khristo kupulu lono xalunani

7) Kuchouno amulo pebidevekemi Khristomi lakhi ye (1)

Khristo kuka vechewono Alhou yehza
papecheni
Ayehza thave cheni, kughengu hipau ye cross
lono xaveake ghenguno
Ayehza pape akepu vehu kiumu kuhavea

8) Timi lakhi ye kikimiye qholo xu anike ghenguno (1)

Ahzakutsu chighi hexavenamu kiumu axine
kumoe
Ayehza launo khaqhiphevae
Alokivishi Alhou yehza papecheni

9) Kikimiye no Alhou yehza shikuputsu ani, kughengu (1)

Kikimiye huno Alhou yehza xavetsuake
Alhou lau eno timiqo lau kikimiye akemiye
alokivishi Alhou yehza papecheni
AghoLuku nguno alau kikimiye no akhotoke

10) Muse yehza lo (1)

Alhou yehza lo toi aphiphishikeu ani
Aghakishi yehza no Khristo kumla
kichepuwotsu che, eno tipau ye cross lono
ashekha shivea
Alhokuthu lo pape chemayesakapu ani

11) Ahzakutsu chighi gholuchekemiye ye (1)

Tino pano lhoayeh lakhi shivea
Satan no ghochile nani, kughengu satan ye
Alhou yehza mithi chenke ghenguno
Ayehza papekeu lono xalunani

12) Khristo no ayehza kuchou ghili pikeu phujulo (4)

Jisu no ayehza hephove
 Jisu ye ayehza papekeu lo tokhoi kemi
 kichekipiye lakhi shike
 Jisu no ayehza xavetsu
 Jisu no pi, tsutsala nonguno l kimiye aghiaye
 l zahkutsuqo papelo
 Jisu no ayehza shikuloghitsu eno axine ghola
 kumtsu shipuhavetsunikeu kiche piyesutsu
 Jisu no pikeuno, ayehza ye khilemu
 kilivemlake

13) Kristomi lakhi ye alokivishi Alhou zahkutsu chighi papemayesae ipi lno pulu ani, eno lno Jisu vilo, ni ghi l kuxu pesu panongu ghola kulojilu kepushi l kuphu tsulopi inijuni.

lye. Moe.

Kungu inju puakeqo achipilo khochile tsulo!



Tilehi kihisuvani kehenguno oje, email eno thepiu kikihi sulou.

Owu akiphi kichekutsu KUMUSA no ithuluni kehenguno "Sulou" lo inalo.

| | | | | |
|----------------------------|------------------------|------------------|----------------------|--|
| Oje : | <input type="text"/> | | | |
| Owu Email : | <input type="text"/> | | | |
| Thepiu kikihi : | <input type="text"/> | | | |
| Okungo-a : | <input type="text"/> | | | |
| Aphugui, District : | State : | Aghaqhu : | <input type="text"/> | |
| Pin : | Apunu mpe amqo: | Gender : | <input type="text"/> | |

Anile shi no kusutsa nikeu tipau tsulou